



O'ZBEKISTON RESPUBLIKASI VAZIRLAR MAHKAMASINING QARORI

20 25 yil « 28 » iyul

№ 468

Toshkent sh.

“In-vitro” шароитида кўпайтирилган пайвандтагли мева ва ток кўчатларини харид қилиш харажатларининг бир қисмини қоплаш тартиби тўғрисидаги низомни тасдиқлаш ҳақида

Ўзбекистон Республикаси Президентининг “Қишлоқ хўжалиги вазирлиги ҳузуридаги Агросаноатни ривожлантириш агентлиги фаолиятини ташкил этиш тўғрисида” 2024 йил 30 сентябрдаги ПҚ–344-сон ҳамда “Қишлоқ хўжалиги майдонларидаги қўшимча имкониятлардан фойдаланган ҳолда маҳсулот етиштиришни кўпайтиришга доир чора-тадбирлар тўғрисида” 2024 йил 30 декабрдаги ПҚ–465-сон қарорларига мувофиқ, шунингдек, республика ҳудудларида янги интенсив боғ ва токзорларни барпо этган тадбиркорлик субъектларини давлат томонидан қўллаб-қувватлаш мақсадида Вазирлар Маҳкамаси қарор қилади:

1. Қуйидагиларни назарда тутувчи **“In-vitro” шароитида кўпайтирилган пайвандтагли мева ва ток кўчатларини харид қилиш харажатларининг бир қисмини қоплаш тартиби тўғрисидаги низом** иловага мувофиқ тасдиқлансин:

мувофиқлик сертификатига (ихтиёрий) эга бўлган “in-vitro” шароитида кўпайтирилган пайвандтагли мева ва ток кўчатларини харид қилиш харажатларининг бир қисмини қоплаш учун ариза билан мурожаат қилиш ҳамда мурожаатларни кўриб чиқиш тартиби;

мувофиқлик сертификатига (ихтиёрий) эга бўлган “in-vitro” шароитида кўпайтирилган пайвандтагли мева ва ток кўчатларини харид қилиш харажатларининг бир қисмини қоплаш учун субсидия ажратиш тартиби;

мувофиқлик сертификатига (ихтиёрий) эга бўлган “in-vitro” шароитида кўпайтирилган пайвандтагли мева ва ток кўчатларини парваришлаш бўйича мажбуриятларнинг бажарилиши юзасидан мониторинг юритиш тартиби.

2. Белгилансинки, мувофиқлик сертификатига (ихтиёрий) эга бўлган “in-vitro” шароитида кўпайтирилган пайвандтагли мева ва ток кўчатларини харид қилиш харажатларининг бир қисмини қоплаш учун субсидиялар Ўзбекистон Республикаси Қишлоқ хўжалиги вазирлиги ҳузуридаги Агросаноатни ривожлантириш агентлигининг Агросаноатни ривожлантириш ва қўллаб-қувватлаш давлат мақсадли жамғармаси маблағлари ҳисобидан ажратилади.

3. Ўзбекистон Республикаси Иқтисодиёт ва молия вазирлиги ҳар йили Ўзбекистон Республикаси Давлат бюджети параметрларини шакллантиришда Қишлоқ хўжалиги вазирлигининг ҳисоб-китобларига асосан мувофиқлик сертификати (ихтиёрий) эга бўлган “in-vitro” шароитида кўпайтирилган пайвандтагли мева ва ток кўчатларини харид қилиш харажатларининг бир қисмини қоплаш учун талаб этиладиган маблағларнинг назарда тутилишини таъминласин.

4. Ушбу қарорнинг бажарилишини назорат қилиш Ўзбекистон Республикаси Бош вазирининг ўринбосари Ж.А. Ходжаев зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2025 йил “ 28 ” июлдаги 468-сон қарорига
илова

**“In-vitro” шароитида кўпайтирилган пайвандтагли мева ва ток
кўчатларини харид қилиш харажатларининг бир қисмини
қоплаш тартиби тўғрисида
Низом**

1-боб. Умумий қоидалар

1. Ушбу Низом мулкчилик шаклидан қатъий назар барча тадбиркорлик субъектларига мувофиқлик сертификати (ихтиёрий) мавжуд бўлган “in-vitro” шароитида кўпайтирилган пайвандтагли мева ва ток кўчатларни харид қилиш харажатларининг бир қисмини қоплаш учун Ўзбекистон Республикаси Қишлоқ хўжалиги вазирлиги ҳузуридаги Агросаноатни ривожлантириш агентлиги (кейинги ўринларда – Агентлик) ҳузуридаги Агросаноатни ривожлантириш ва қўллаб-қувватлаш давлат мақсадли жамғармасидан (кейинги ўринларда – Жамғарма) субсидия ажратиш, ажратилган субсидия маблағларидан самарали фойдаланилиши юзасидан мониторинг юритиш ҳамда мақсадсиз фойдаланилган субсидияларни қайтариш тартибини белгилайди.

Субсидиялар янги интенсив боғ, токзорларни барпо этган, шунингдек, дала четларига, каналлар, суғориш ва коллектор-дренаж тармоқлари атрофидаги майдонларга экилган “in-vitro” шароитида кўпайтирилган пайвандтагли мева ва ток кўчатларини харид қилган талабгорларга Жамғарма ҳисобидан кўчатлар тури, нави ва харажатиининг ҳисоб-китобидан келиб чиқиб ажратилади.

2. Ушбу Низомда қуйидаги тушунчалардан фойдаланилади:

интенсив боғ – интенсив кўчатлар (пакана ва яримпакана) ҳамда пайвандтаглардан етиштирилган кўчатларни зич экиш схемасида ресурс-тежамкор агротехнологик тадбирларни амалга ошириш асосида ташкил этилган ва сув тежовчи суғориш технологиялари жорий этилган мевали боғ;

“in-vitro” лабораторияси – ўсимлик организмнинг тўқималарини микрклонал кўпайтириш усули орқали “соғлом”, вируслардан ҳоли бўлган кўчат ҳамда пайвандтаг етиштириш учун ихтисослашган, махсус жиҳозланган лаборатория;

мувофиқлик сертификати (ихтиёрий) – сертификатланган кўчатларнинг белгиланган талабларга мувофиқлиги кўчатлар тури, нави, нав тозалиги ва вируслар (касалликлар)дан ҳолилигини тасдиқловчи сертификатлаштириш тизими қоидаларига биноан берилган ҳужжат;

талабгор – янги интенсив боғ ва/ёки токзор барпо этишда пайвандтагли мева ва ток кўчатлари харажатларининг бир қисмини қоплаш учун мурожаат қилган тадбиркорлик субъекти;

“Agrosubsidiya” АТ – Ўзбекистон Республикаси Қишлоқ хўжалиги вазирлигининг **“Рақамли қишлоқ хўжалиги”** ягона интеграция платформаси таркибига кирувчи ҳамда қишлоқ хўжалиги экинларини етиштириш учун имтиёзли кредитлар ва субсидияларни ажратиш, маҳсулот етиштирувчиларга шаффофлик таъминлаб берадиган ахборот тизими.

3. Субсидиялар:

янги интенсив боғ барпо этган талабгорга ҳамда дала четларига, каналлар, суғориш ва коллектор-дренаж тармоқлари атрофидаги майдонларга экилган мувофиқлик сертификати (ихтиёрий) мавжуд бўлган **“in-vitro”** шаротида кўпайтирилган пайвандтагли мева кўчатларини харид қилиш харажатларининг 50 фоизи, бироқ ҳар бир пайвандтагли мева кўчатига 25 минг сўмдан ошмаган миқдорда;

мувофиқлик сертификати (ихтиёрий) мавжуд бўлган узумнинг данаксиз ва янги нав кўчатларига (кейинги ўринларда – ток кўчатлари) 7,5 минг сўмдан, маҳаллий ток кўчатларига 2 минг сўмдан ошмаган миқдорда ажратилади.

4. Мувофиқлик сертификати (ихтиёрий) мавжуд бўлган **“in-vitro”** шаротида кўпайтирилган пайвандтагли мева ва ток кўчатларини харид қилиш харажатларининг бир қисми ушбу Низомга 1-иловага мувофиқ схема бўйича қопланади.

2-боб. Субсидия ажратиш бўйича ариза билан мурожаат қилиш

5. **“In-vitro”** шаротида кўпайтирилган пайвандтагли мева ва ток кўчатларини харид қилиш харажатларининг бир қисмини қоплаш учун субсидия ажратишга кўмаклашувчи туман (Қувасой шаҳар) ишчи гуруҳи (кейинги ўринларда – Ишчи гуруҳ) ушбу Низомга 2-иловага мувофиқ намунавий таркибда ташкил этилади.

6. Талабгор янги боғ ва токзорлар барпо қилинган ҳамда дала четларига, каналлар, суғориш ва коллектор-дренаж тармоқлари атрофидаги ер майдонларига экилган кўчатлар тури, нави, қиймати тўғрисидаги маълумотларни мазкур Низомга 3-иловага мувофиқ харажатларининг бир қисмини қоплаш учун субсидия ажратиш бўйича Ишчи гуруҳга **“Agrosubsidiya” АТ** орқали қуйидагиларни илова қилган ҳолда ариза билан мурожаат қилади:

соғлом, вируслардан ҳоли бўлган **“in-vitro”** лабораториясида кўпайтирилган пайвандтагли кўчатларнинг мувофиқлик сертификати (ихтиёрий) нусхаси;

талабгор билан **“in-vitro”** шароитида кўчат етиштирувчи кўчатчилик хўжалиги ўртасида тузилган олди-сотди шартномаси нусхаси;

кўчатлар сотиб олингани бўйича ҳисоб-фактура, **“in-vitro”** шароитида кўчат етиштирувчи кўчатчилик хўжалигининг тавсияси ва мувофиқлик сертификати (ихтиёрий) бўйича уч йиллик кафолат хати.

Талабгор аризадаги маълумотлар ва илова қилинган ҳужжатларнинг тўғрилиги учун жавобгар ҳисобланади.

Талабгордан ушбу бандда назарда тутилмаган бошқа ҳужжатларни тақдим этишни талаб қилишга йўл қўйилмайди.

7. Ушбу Низомнинг 6-бандида назарда тутилган ҳужжатлар тўлиқ бўлмаганда ёки белгиланган тартибда расмийлаштирилмаган ҳолда тақдим этилганда Ишчи гуруҳ томонидан аризани қабул қилиш рад этилади.

3-боб. Талабгорнинг мурожаатини кўриб чиқиш ва субсидия ажратиш

8. Ишчи гуруҳи талабгорнинг аризасини кўриб чиқишда қуйидагиларга масъул ҳисобланади:

туман (Қувасой шаҳар) ҳокими – Ишчи гуруҳ фаолиятини ташкил қилиш ва талабгорнинг субсидия ажратиш тўғрисидаги аризасини жойига чиққан ҳолда ўз муддатида ва тўлиқ ўрганишга ҳамда расмийлаштирилган ҳужжатларнинг тўғрилигига;

туман (Қувасой шаҳар) ҳокимининг қишлоқ ва сув хўжалиги масалалари бўйича ўринбосари – туман қишлоқ хўжалиги бўлими бошлиғи – субсидия ажратиш тўғрисидаги ҳужжатларни ўз вақтида расмийлаштиришга;

туман (шаҳар) фермерлар кенгаши раиси – талабгор ва “in-vitro” шароитида кўчат етиштирувчи кўчатчилик хўжалиги ўртасида тузилган олди-сотди шартномаси шартларининг бажарилиши (кўчат етказиб бериш муддатлари, сифати ва бошқалар) бўйича талабгорнинг ҳуқуқлари ҳимоя қилинишига;

ўсимликлар карантини ва ҳимояси туман бўлими бошлиғи – “in-vitro” шароитида кўчат етиштирувчи кўчатчилик хўжалиги мувофиқлик сертификати (ихтиёрий) мавжуд бўлган “in-vitro” лабораториясида кўпайтирилган пайвандтагли мева ва ток кўчатлари экилганига;

Агентликнинг туман (Қувасой шаҳар) лойиҳа офиси раҳбари – талабгорнинг аризасида “in-vitro” шароитида кўпайтирилган пайвандтагли мева ва ток кўчатларини харид қилиш харажатлари учун субсидия ҳисобланишига, бунда:

а) харажатларнинг 50 фоизи, бироқ ҳар бир мувофиқлик сертификати (ихтиёрий) мавжуд бўлган пайвандтагли мева кўчатига 25 минг сўмдан ошмаган миқдорда;

б) мувофиқлик сертификати (ихтиёрий) мавжуд бўлган ток кўчатларига 7,5 минг сўмдан, мувофиқлик сертификати (ихтиёрий) мавжуд бўлган маҳаллий ток кўчатларига 2 минг сўмдан ошмаган миқдорда.

9. Ишчи гуруҳ “Agrosubsidiya” АТ орқали тақдим этилган ариза ва унга илова қилинган ҳужжатларни уч иш куни ичида жойига чиққан ҳолда ўрганади ва талабгорга субсидия ажратиш мақсадга мувофиқлиги ёки рад этиш тўғрисидаги ҳулосани тасдиқлайди.

Ишчи гуруҳ раҳбари ва унинг аъзолари хулосанинг тўғри расмийлаштирилгани ва ҳаққонийлиги учун масъул ҳисобланади.

Субсидия ажратиш рад этилган тақдирда, талабгор бир ой муддатда Ишчи гуруҳ хулосасида кўрсатилган камчиликларни тўлиқ бартараф қилган ҳолда, “Agrosubsidiya” АТ орқали субсидия ажратиш тўғрисида қайта мурожаат қилиши мумкин.

Талабгор Ишчи гуруҳнинг субсидия ажратишни рад этиш тўғрисидаги хулосасидан норози бўлган тақдирда, юқори турувчи органга ёки судга шикоят қилиши мумкин.

10. Ишчи гуруҳ талабгорга субсидия ажратиш мақсадга мувофиқлиги тўғрисидаги хулосани расмийлаштиригандан сўнг бир иш куни ичида тасдиқланган хулосани “Agrosubsidiya” АТ орқали Агентликка юборади.

11. Ишчи гуруҳ хулосаси Агентлик томонидан беш иш кун ичида кўриб чиқилиб, талабгорга субсидия ажратиш ёки субсидия ажратишни рад этиш ҳақида “Agrosubsidiya” АТ орқали маълум қилади.

Бунда Агентлик томонидан субсидия ажратишни рад этишга ушбу Низомнинг 6-банди талабларига риоя қилинмаган ҳолатлар асос ҳисобланади.

13. Агентлик Ишчи гуруҳ томонидан тасдиқланган ижобий хулосага асосан беш иш куни ичида талабгорнинг тижорат банкидаги ҳисобварағига субсидияни ўтказиб беради.

14. Агентликнинг субсидия ажратишни рад этиш тўғрисидаги хулосасида кўрсатилган камчиликлар (сабаблар) талабгор томонидан бартараф этилган ҳолда, қайта мурожаат қилиниши мумкин.

4-боб. Мониторинг қилиш тартиби

15. Талабгор дала четларига ҳамда каналлар, суғориш ва коллектор-дренаж тармоқлари атрофидаги майдонларга ҳамда лойиҳа асосида ташкил этилган янги боғ ва токзорларга экилган кўчатларда ўз муддатида агротехник тадбирларини ўтказиш ва парваришлаш ишларини амалга ошириб боради.

16. Талабгор томонидан дала четларига ҳамда каналлар, суғориш ва коллектор-дренаж тармоқлари атрофидаги майдонларга ҳамда лойиҳа асосида ташкил этилган янги боғ ва токзорларга экилган кўчатларда ўз муддатида агротехник тадбирларини ўтказиш ва парваришлаш ишларини амалга оширилгани юзасидан Ишчи гуруҳ икки йил мобайнида мониторинг қилиб боради.

17. Ишчи гуруҳ кўчатлар учун ажратилган субсидиядан самарали фойдаланиш ҳолатини ҳар йили бир марта мониторинг қилади ва кўчатларнинг ҳолати юзасидан (яхши ёки ёмон) икки нусхада далолатнома расмийлаштиради ҳамда далолатноманинг бир нусхаси Ишчи гуруҳда ва иккинчи нусхаси талабгорда сақланади.

18. Мониторинг давомида камчиликлар аниқланганда, Ишчи гуруҳ уч иш куни ичида талабгорга ажратилган субсидия маблағларини қайтариш ҳақидаги талабнома хатини юборади.

Талабгор огоҳлантириш хатини олган кундан эътиборан бир ой ичида ажратилган субсидияни Агентликнинг махсус шахсий ғазна ҳисобварағига қайтаради.

19. Туман (шаҳар) ишчи гуруҳи талабгор томонидан харид қилинган ва экилган мувофиқлик сертификати (ихтиёрий) эга бўлган “in-vitro” шароитида кўпайтирилган пайвандтагли мева ва ток кўчатларининг ривожланиш ҳолати юзасидан мониторинг ўтказди.

Ўтказилган мониторинг натижасига кўра биринчи ва иккинчи йилларда қуриб қолган ва касалланиб яроқсиз ҳолга келган кўчатлар сони экилган кўчатлар умумий сонининг 10 фоизидан ошганда, олинган субсидия нобуд бўлган кўчатлар сонига мутаносиб равишда қайтарилади.

Қуриб қолган ва касалланиб яроқсиз ҳолга келган кўчатлар талабгор томонидан кузги экиш мавсумида “in-vitro” шароитида кўпайтирилган пайвандтагли мева ва ток кўчатларига алмаштирилиб, кўчатлар тўлиқлиги 90 фоиздан юқори бўлганда субсидиялар қайтарилмайди.

Субсидия ажратилган майдонларда кўчатлар тўлиқлигини таъминлаш учун талабгор томонидан қўшимча равишда экилган пайвандтагли мева ва ток кўчатларига субсидия ажратилмайди.

Талабгор субсидияни белгиланган муддат ва миқдорда қайтармаганда, Агентлик субсидияни суд тартибида ундириш чораларини кўради.

20. Жамоатчилик назорати субъектлари томонидан субсидия предметида мақсадли фойдаланилмаётган ёки яроқсиз ҳолдалиги аниқланса, бундай ҳолатлар видеотехника воситалари орқали қайд этилиши (ёзиб олиниши) ва икки кун муддатда Ишчи гуруҳга тақдим қилиниши мумкин.

21. Туман (шаҳар) Ишчи гуруҳи жамоатчилик назорати субъектлари томонидан аниқланган ҳолатлар бўйича келиб тушган видеоёзувларни қабул қилингандан сўнг уч иш куни мобайнида талабгор ёки унинг ваколатли ходими иштирокида ўрганиш ўтказди.

22. Талабгор ушбу Низом талабларини бажармаган тақдирда, Агентликнинг ёки туман ишчи гуруҳининг субсидияни қайтариш ҳақидаги ёзма хабарномасини олган кундан эътиборан бир ой муддатда олинган субсидияни Агентликнинг тегишли махсус шахсий ғазна ҳисобварағига қайтариши лозим.

5-боб. Яқунловчи қоидалар

23. Субсидия беришда юзага келадиган келишмовчиликлар томонлар ўртасида музокаралар ўтказиш орқали ҳал этилади.

Бунда тарафлар ўртасида келишмовчиликлар музокаралар ўтказиш орқали ҳал этилмаган тақдирда, низолар суд тартибида ҳал қилинади.

24. Ўзбекистон Республикаси Бош прокуратураси ҳузуридаги Иқтисодий жиноятларга қарши курашиш департаментининг Давлат молиявий назорати инспекцияси субсидиядан мақсадли фойдаланилишини назорат қилади.

25. Ушбу Низом талаблари бузилишида айбдор бўлган шахслар қонунчилик ҳужжатларига мувофиқ жавоб берадилар.

“In-vitro” шароитида кўпайтирилган пайвандтагли мева ва ток кўчатларини харид қилиш харажатларининг бир қисмини қоплаш тартиби тўғрисидаги низомга
1-илова

Мувофиқлик сертификати (ихтиёрий) мавжуд бўлган “in-vitro” усулида кўпайтирилган пайвандтагли мева ва ток кўчатларни харид қилиш харажатларининг бир қисмини қоплаш
СХЕМАСИ

Босқичлар	Субъектлар	Тадбирлар	Муддатлар
1-босқич	Талабгор	Мувофиқлик сертификати (ихтиёрий) мавжуд бўлган “in-vitro” усулида кўпайтирилган мева пайвандтагли кўчат ва ток кўчатларини харид қилиш харажатларининг бир қисмини қоплаш учун субсидия ажратишга кўмаклашувчи туман (Қувасой шаҳар) ишчи гуруҳига (кейинги ўринларда — туман (Қувасой шаҳар) ишчи гуруҳи) “Agrosubsidiya” АТ орқали ариза билан мурожаат қилади.	пайвандтагли мева ва ток кўчатлари экилгандан сўнг
2-босқич	Туман (Қувасой шаҳар) ишчи гуруҳи	1. Талобгорнинг аризасини ўрганиб чиқади ва хулосалар мақсадга мувофиқ бўлган тақдирда, Агентликка тақдим этади. 2. Хужжатлар ижобий бўлмаган тақдирда, талабгорга рад жавобини беради	3 иш кунда 1 иш кунда
3-босқич	Агентлик	Ишчи гуруҳ томонидан тақдим этилган хужжатларни ўрганиб чиқади: а) талабгорга субсидия ажратиш тўғрисидаги хулосани расмийлаштиради; б) хужжатлар ижобий бўлмаган тақдирда талабгорга рад жавобини беради	5 иш кунда
4-босқич	Агентлик	Талабгорнинг тижорат банкидаги ҳисобварағига субсидияни ўтказиб беради.	5 иш кунда
5-босқич	Талабгор	Лойиҳа асосида ташкил этилган янги боғ ва тоқзорларга экилган кўчатларда ўз муддатида агротехник тадбирларини ўтказиб, парваришлаш ишларини амалга ошириб боради.	Доимий
6-босқич	Туман (Қувасой шаҳар) ишчи гуруҳи	1. Ташкил этилган янги боғ ва тоқзорларга экилган кўчатларни мониторинг қилиб боради ва кўчатларнинг ҳолати юзасидан (яхши ва ёмон) икки нусхада далолатнома расмийлаштиради. 2. Мониторинг давомида шартнома шартлари бажарилмагани аниқланган тақдирда, ўтказиб берилган субсидияни қайтариш юзасидан ёзма равишда талабнома юборади.	Ҳар йил якуни бўйича
7-босқич	Талабгор	Маблағларни Агентликнинг тегишли махсус шахсий ғазна ҳисобварағига қайтаради.	Талабнома олган кундан 1 ой муддат мобайнида

“In-vitro” шароитида кўпайтирилган пайвандтагли
мева ва ток кўчатларини харид қилиш харажатларининг
бир қисмини қоплаш тартиби тўғрисидаги низомга
2-илова

**“In-vitro” усулида кўпайтирилган пайвандтагли мева ва ток кўчатларини
харид қилиш харажатларининг бир қисмини қоплаш учун субсидия
ажратишга кўмаклашувчи _____ туман (Қувасой шаҳар) ишчи
гуруҳининг
НАМУНАВИЙ ТАРКИБИ**

1. Туман (Қувасой шаҳар) ҳокими, *ишчи гуруҳ раҳбари*
2. Туман ҳокимининг қишлоқ ва сув хўжалиги масалалари бўйича
ўринбосари – туман қишлоқ хўжалиги бўлими бошлиғи, *ишчи гуруҳ раҳбари
ўринбосари*
3. Туман фермерлар кенгаши раиси
4. Ўсимликлар карантини ва ҳимояси туман бўлими бошлиғи
5. Туман лойиҳа офиси раҳбари

“In-vitro” шароитида кўпайтирилган пайвандтагли
мева ва ток кўчатларини харид қилиш харажатларининг
бир қисмини қоплаш тартиби тўғрисидаги низомга
3-илова

Агросаноатни ривожлантириш агентлиги директори _____ га
“_____” фермер хўжалиги (МЧЖ) раҳбари _____ томонидан
сотиб олинган кўчат учун субсидия ажратиш бўйича

АРИЗА

_____ тумани _____ худудида _____ йилдан буён фаолият
кўрсатаётган _____ ихтисослашган “_____” фермер хўжалиги
(МЧЖ) 20 _____ йил жами _____ гектар ер майдони, шундан _____ контур _____ гектар,
_____ контурда _____ гектар, _____ контурда _____ гектар майдонда янги интенсив
боғ, токзор ташкил этиш учун талаб этиладиган кўчатлар _____ сони, _____
тури, _____ нави, _____ минг сўм қиймати.

Талабгор номи _____, олган кўчати _____ дона, кўчат етказиб
берувчининг номи _____, тузилган шартнома санаси ва рақами _____.

Сарфланган харажатларнинг бир қисмини қоплаш учун субсидия
ажратишда амалий ёрдам беришингизни сўрайман.

Хизмат кўрсатувчи тижорат банк “_____” _____.
Тегишли ҳужжатлар илова қилинади.

“_____” фермер хўжалиги (МЧЖ) раҳбари _____
(имзо)

